

摛藻堂四庫全書薈要

史部

欽定四庫全書會要

史部

硃批諭旨卷四十四上

詳校官編修臣繆晉

欽定四庫全書薈要卷七十九百三十四

史部

硃批諭旨卷四十四上

硃批宜兆熊奏摺

雍正元年五月十四日福州將軍臣宜兆熊謹

奏為請

旨事竊臣庸碌無能蒙

聖祖仁皇帝寵眷優渥由世職歷陞都統復荷我

皇上格外殊恩補授福州將軍任大責重惶悚靡寧凡

有見聞敢不直陳查駐防四旗鎗營甲兵所用排

改造

鎗皆係三節接成誠恐接頭不密用久必致疎虞盤鎗甚好但捐備恐爾力有不逮陸續緩為之

臣

今捐造盤鎗一千二百零一桿散給四旗鎗營

甲兵以資操演再閩省非出馬之地四旗甲兵馬

匹現今陸續買補大馬查隣省廣東湖廣二處土

馬到閩水上甚屬相宜餽養亦且甚易以臣愚見

土馬與大馬兼買於甲兵實有裨益為此具摺恭

請

聖裁伏乞

恩准批示遵行謹

奏

大馬與土馬相同但擇其易養為佳耳聞閩地濕熱頗不宜於馬性若不能足三匹之數足兩匹亦可矣切勿因賠補而累及兵丁致滋朋扣等弊至於湊備公用權變料理又在爾酌宜相機而行也軍營以馬匹為重但迫之不可過嚴亦不可過寬審時量力為之毋得膠固

總之以實心任事何事不濟耶勉之不可過嚴之旨密
之勿露於衆朕深信爾不愧將軍之職爾其仰副朕衷
加意訓養作一太平良將顧不偉歟

同日又

奏為奏

聞事竊臣於雍正元年二月二十二日莅任卽清查本
衙門一切陋規盡行革除再查琉球國

貢使獨於臣衙門向有每年規禮臣恐受此殊失

朝廷等處在他人朕或疑其矯廉在爾乃從容優為之事
柔遠至意隨曉諭琉球來使永行禁止非蒙

皇上念四旗兵丁人口蕃滋度日艱難照駐防原額馬
匹賞給錢糧四旗甲兵父母妻子盡得養贍老幼
無不歡欣鼓舞臣復宣布

皇仁遍加曉諭俾畏威懷德俱各安分守常臣日夕訓
練操演不可一時少怠
訓練現在甲兵操演頗勤再四旗標營官員賢否俟

臣體訪確實果有才技優長者即具摺保

是奏如有不肖劣員有玷官箴者亦卽據實糾參斷不

敢緘默坐視今歲福州年成甚好米價較之往年
朕惟對甚賤雨水調勻禾苗茂盛必獲大有合併奏
天以手加額耳

奏

知道了

雍正元年六月十二日福州將軍臣宜兆熊謹

奏為恭謝

天恩事臣齎摺家人回閩捧到

皇上恩賜香袋丹藥臣隨恭設香案望

關叩頭謝

恩祇領訖竊思臣庸愚下質受

恩獨深旣膺邊海之重寄復蒙

頒賜之殊榮臣感戴

知遇淪肌浹髓惟有夙夜冰兢誓竭鴛鈍以仰報

高厚於萬一而已查今歲雨暘時若福州府田禾現在

收穫其餘八府田禾俱聞成熟此皆仰賴我

皇上至誠格

天四海共享昇平之樂也理合具摺叩謝

天恩謹

奏

覽奏深慰朕懷皆爾等封疆文武大吏同寅協恭緝兵安民之所致也其互相勉勵但一切敷奏總宜據實不可絲毫掩飾若惟以仰慰聖心為辭則誤矣凡事不本於真誠即為負朕不可不知特諭

雍正元年九月十五日福州將軍臣宜兆熊謹

奏為恭謝

天恩事

臣齎摺家人回閩臣跪讀

硃批不禁感激涕零臣何人斯蒙我

皇上知遇至於如此雖粉骨碎身不足仰報萬一臣蒙

皇上隆恩准臣捐造盤鎗復念臣力薄

恩諭陸續緩為捐造但臣所得俸祿儘足養贍且月得

餉銀充足有餘捐造為費無多臣已於九月十五

上

日造盤鎗一千一百零一桿散給四旗鎗營甲兵
至四旗步兵歷來從不射箭操演臣今亦散給盤
鎗令隨鎗營操演所需鉛藥將臣隨丁存營二十
蒼亦必介爾景福也勉之

分糧月得餉銀撥出辦理嗣後著為成例再臣於

四旗駐防官兵子弟內挑選三十二人於臣署旁
駐防旗軍究以武藝為本文事祇宜任其自便此等作屋學習清書即將製備藥鉛餘存餉銀捐給紙筆養人材之舉固屬好事但恐皆崇尚文墨而輕蔑戎行供應之資以仰副我
亦不可不慮今已行之事不必中止嗣後毋得過於鼓
皇上養育人材之意為此具摺謹

舞斯文而致有妨武備也
奏

詒見奏朕深為嘉悅勉之

同日又

奏為請

旨事竊查福建駐防官兵操演蠶幟向來將軍俱用鱗蠶官兵用飛虎蠶與在京八旗漢軍蠶幟一樣因前任將軍祖良璧自改為月心素蠶臣愚以閩地邊海操兵演武蠶用飛虎實壯軍威臣不敢自專

理合

奏明伏乞

具本來奏

皇上恩准賞用再新造盤鎗散給四旗步兵操演而福
建山多路險崎嶇窄狹以臣管見每旗設攢木五
架每架高寬五尺卽於四旗壯丁內挑選精壯者
四十名扛擡操演以備緩急濟用每月每名給銀
一兩卽將餘存糧銀散給實亦皆出於我
好
皇上賞賜之恩再查臣標左右兩營共馬步戰守兵一

千九百六十名內有鎗手兵八百六十名臣思旗營一體今四旗甲兵現已捐造盤鎗散給操演伏

乞

聖恩亦准臣續為捐造盤鎗八百六十桿散給兩營一
量力為之不可勉強如實有力所不能處具摺奏聞
例操演庶營伍大有裨益矣理合一併奏

聞謹

奏

所奏俱悉

雍正元年十一月十七日福州將軍臣宜兆熊謹

奏為恭謝

天恩事臣進摺于總回閩齋捧

皇上御批併

頒賜臣

上用果品臣恭設香案望

闕叩頭謝

恩跪讀

御批不禁感激涕零伏念臣一介庸愚荷蒙我

皇上特簡福州將軍重任坐糜廩祿毫無報稱乃蒙

皇上溫旨頻頒復賜

上方異品

知遇寵榮亘古罕覩臣何人斯邀茲

異數臣雖不至於此粉身碎骨亦不足以仰酬

高厚惟誓圖犬馬報效竭盡一腔心血至死以報

天恩於萬一耳理合具摺叩

謝伏乞

睿鑒謹

奏

向聞福州四旗官兵俱甚不堪今爾揀送來京者諒必
秉公選拔其中之上等人材也朕簡閱之下實屬不堪
須爾大費一番心力勤加訓練庶或稍能挽回一二不
特漢仗弓馬平常即一種下流羸穢形狀亦難入目且
全無些微雄勇氣槩今後演習武藝自當著意併其舉

止進退亦宜盡力教導再駐防鎮江者亦屬魯衛之政
若非大為整飭何能改觀

雍正二年三月十三日福州將軍臣宜兆熊謹

奏為奏

聞事竊臣准兵部咨蒙

皇上恩准賞用飛虎旗纛知照到臣欽遵在案臣查明
四旗大纛小旗數目現在捐造結散以便春操前

蒙

聖恩准四旗設檣木二十架甚為有益但旗營合操臣

查標下兩營亦須添設檣木四十架於步兵內挑

選八十名扛擡四旗亦須再添檣木二十架挑選

壯丁四十名扛擡仍於臣隨丁糧內撥出銀四十

兩以為月餉之需再臣捐修四旗鑄損子母礮八

位復於兩營查出鑄損子母礮十位臣亦一併捐

修所有四旗原設發貢礮八位隨委協領彭珠并

防禦朱士俊等管理督率操演以備防守所有臣

捐製火藥礮子并添蓋收貯火藥礮子礮庫俱已

告成理合一併奏

聞謹

奏

自汝受事以來凡所料理盡善盡美朕除加獎之外無可諭汝者

同日又

奏為欽奉

上諭事臣齎摺把總回閩捧讀

前任之咎與爾何涉

御批臣不勝惶悚仰見

聖明洞鑒遠邇無遺皆由歷任將軍疎忽因循習以成
移易風俗精熟技藝豈年餘遂克奏成效者耶
臣自愧庸愚歷任年餘未能操練教導今蒙

皇上指示知人材委實不堪復邀

聖恩不加罪責

諭臣教訓愛養臣雖鴦鈍敢不竭盡心力時時操演教

導致負我

皇上訓勉之至意臣惟有宣布

皇仁勤加訓練俾其熟習弓馬培養氣概務使駐閩官
此全賴爾之訓飭有方兵改除舊習舉止進退悉皆合宜以仰報我

皇上豢養之隆恩於萬一耳理合具

奏伏乞

睿鑒謹

奏

實與爾毫無干涉如果係爾之咎朕必不曲為寬容也

朕之前諭正欲爾勤加訓練俾營伍改觀功效方著接
聞諭旨更當慶喜以踴躍從事何惶悚之有耶

同日又

奏為請

旨事臣竊思起送官兵寡婦回京歸旗養贍乃

聖祖仁皇帝格外殊恩惟恐匹夫匹婦不得其所官妻給
以半俸半米兵妻給以半餉半米養贍一年方行
住支未及遣送復照坐糧例給以口糧五名口至

起程之日停止豢養駐防官兵

恩施有加無已至於此極臣恩以為寡婦內有弟男子姪現披甲者可以養贍有情願改適旗人者聽其改適則既可省未及起送之口糧又可省驛站夫馬船隻及護送官兵之糜費且可免寡婦長途跋涉之苦似屬至便如寡婦內有情願回京者臣仍照舊例給咨護送回京歸旗則人人得所均沐聖恩於無既矣是否可行伏乞

皇上睿鑒批示遵行謹

奏

此一事觀汝所奏甚合情理具本題奏廷臣議覆時朕再為酌定

雍正二年四月二十四日福建將軍臣宜兆熊謹

奏為恭謝

天恩事臣標齋摺千總回閩捧到

御批荷蒙

天語褒嘉不勝惶悚伏念臣世受

國恩復膺重寄雖捐糜頂踵不足以仰酬

高厚之萬一況操練甲兵整理軍器實臣分所當然方

恐有忝職守何意上邀

溫旨褒嘉臣跪讀之下愈增惶愧惟有竭盡駑駘不遺

餘力以圖報效於無既也所有微臣感激

天恩之下悃理合具摺奏

謝伏乞

睿鑒謹

奏

朕之獎勵褒嘉從無一毫假借必汝實有好處始批一
好字勉之勿懈

雍正二年閏四月二十一日福州將軍臣宜兆熊
謹

奏為奏

聞事竊查四旗官兵蒙

聖恩賞用飛虎纛幟經臣捐造散給邊海嚴疆得此操

演飛揚照耀軍威整肅士馬歡騰人人感激

天恩共思報效但查現在操演子母礮共十八位旗營

合操甚覺其少臣以旗營須設子母礮八十位訓

練操演軍威愈壯除現在子母礮十八位外臣今

開爐捐造六十二位散給旗營操演防守地方理

合奏

聞謹

奏

爾養贍家口不致甚拮据否那得如許多貲頻供捐費
朕心殊覺不忍也

雍正二年七月初四日福州將軍臣宜兆熊謹

奏為恭繳

硃批叩謝

天恩事臣齎摺守備回閩恭接

御批伏念臣曾祖宜永貴自從

龍由白衣人管佐領得授世職至今臣二子現蒙

恩廕是臣五代受

恩深重茲復蒙我

皇上特授臣福州將軍畀以海疆重寄坐糜廩祿毫無

報稱乃蒙

聖恩垂注每加

優恤慮及臣家口臣何人斯邀茲

異數但臣家口親丁惟有二子合家不過四十餘人臣

所得俸祿儘足養贍有餘至臣捐造軍器係分內之事乃蒙

聖恩念及臣之家口臣跪讀之下不勝感激涕零惟有竭盡駕馳不遺餘力以報

天恩於萬一耳謹具摺

奏謝伏乞

皇上睿鑒所有奉到

御批理合恭繳謹

奏

世受國恩者頗多似爾之繼述祖父感奮思報者殊少急公盡職固云圖報更自砥礪進為千古名臣垂芳竹帛以光前裕後尤所宜務也勉之

同日又

奏為奏

聞事竊查閩省邊海要區防守技藝館礮竇為有益臣

於四旗甲兵內挑選精壯馬上熟練者共二百名

臣捐造馬上盤鎗二百桿散給教習馬上放鎗務期操演純熟以備緩急濟用再臣捐造子母礮六十二位業經造完合前十八位共子母礮八十位交委管礮協領彭珠等收貯礮庫但旗營兩汛子母礮八十位猶覺其少臣復現在捐造四十位交管礮官督率操演務期熟練施放有準庶可以備防守矣理合奏

聞謹

奏

爾所捐造過多矣向後四旗兩營若有應添造軍器等物不必捐資其請旨定奪

雍正二年九月十五日福州將軍臣宜兆熊謹

奏為敬陳管見仰祈

睿鑒事臣查駐防滿洲固山大駐防漢軍協領在京參

領俱係三品惟列名之處不同查在京滿洲蒙古

漢軍副都統缺出在京滿洲參領俱得列名駐防

滿洲固山大則不在列名之內在京漢軍副都統
缺出在京漢軍叅領亦得列名而駐防協領則不
在列名之內惟外省滿漢副都統缺出駐防固山
大協領始得與在京叅領一同列名臣思駐防固
山大協領亦有辦事勤慎效力年久之員臣請嗣
後滿洲蒙古漢軍在京副都統缺出駐防固山大
俱得與在京叅領一同列名漢軍在京副都統缺
出駐防協領亦得與在京叅領一同列名併請不

拘旗分八旗一體論俸開列仰懇

皇上一視同仁

恩准並用則駐防旗員益思自奮矣管見所窺不識可否冒昧上陳伏乞

睿鑒施行謹

奏

此奏與朕意甚合所以朕自卽位以來外省副都統缺出率多陞用駐防之協領等也斯事不在開列與不開

列惟在朕留意耳內外皆係朕之臣工朕惟一視同仁
簡拔其優者而用之所奏甚屬公當

同日又

奏為奏

聞事竊臣荷蒙

天恩簡畀重任毫無報稱凡臣分內旗營大小事務自
應矢公矢慎以求整理無弊查臣衙門蒙

皇恩賞給隨丁糧一百名其將僕弁員俱遵照部行提

督俞益謨

題定隨丁名數副將以及千把臣俱照其應得名數
給其親丁頂補再臣標有公費名糧臣莅任卽行
裁革飭營招募頂補其從前所存公費銀兩隨飭
營盡為製造帳房銅鍋籃牌滾刀旗纛火藥等用
至甲兵馬上學習放鎗需用火藥臣已於隨丁糧
銀內每月散給所有臣隨丁糧銀除捐助檜木月
餉等項外餘存尚多茲蒙

聖諭不必捐助乃

聖恩優渥格外矜恤但臣家口有限而俸祿月米及養
馬草料銀併心紅餘銀儘足臣用其隨丁餉銀之
餘俱應隨時捐助以盡臣職庶臣心得以少安矣

理合奏

聞謹

奏

覽奏已悉爾之居心出於惓惓奉公之誠但宜仰遵前

諭量力而為不可過於勉強也

同日又

奏為恭謝

天恩事臣進摺千總回閩齋捧

皇上御書扁額到臣臣隨出郊跪迎至署恭設香案望

闕叩頭謝

恩祇領跪啟

黃封敬謹展讀欽奉

御書世有令德扁額一幅竊臣世受

國恩由曾祖以來五代俱食

天祿皆受

皇恩寵榮已極復蒙

皇上殊恩

御書扁額不獨臣之身膺

曠典者榮逾格外卽臣之曾祖祖父一旦光生泉壤且

臣復邊

御批勉臣為千古名臣垂芳竹帛獎勵期許至於此極
聖恩高厚感深刻骨喜極涕零謹將

御書什襲珍藏仍摹勒製扁懸之臣署使旗營將士共

仰

宸翰之輝煌並識

皇仁之浩蕩理合具摺叩謝

天恩伏乞

睿鑒謹

奏

往古明主愛一顙一笑朕之獎勸亦豈濫施天下臣工
自具有耳目一切賞罰予奪朕胸中從無適莫今日褒
嘉所及乃由卿奉公盡職有以致之也卿於直省將軍
中聲名實居上第卿等竭力懋勉以保全始終為期果
能不辜朕之體恤將來勞績茂著榮膺眷顧正未艾也
勉之

更諭者不特爾閩省事情卽別省吏治戎政以至廷臣

臧否朕之一切舉措或得或失但有聽聞不必待訪的確先卽密奏以聞諸凡無隱方不負朕之信任也密之

雍正二年九月二十五日福州將軍臣宜兆熊謹

奏為欽奉

上諭事竊臣准督撫二臣咨准吏部咨前事內開雍正

二年八月十九日舅舅隆科多捧出

硃筆諭旨國家分理庶務務在得人道府州縣等官尤屬要職其有才幹素著廉潔自持者不得以時上聞

何以示勸於各省道府同知通判州縣等官內著總
督保奏三員巡撫保奏二員布政使按察使各保奏
一員將軍提督亦屬本省大員將所知者亦令保奏
一員俱各密封保奏不得會同商酌如所保之人不
當日後劣蹟敗露將保奏上司一併治罪特諭欽此
欽遵等因到臣臣雖智識短淺敢不矢公矢慎詳
加探訪但臣衙門凡文吏道府州縣接見甚稀惟
有漳州府知府耿國祚原任臣衙門理事同知臣

見其審理旗民事件清正敏達陞授漳州府知府
莅任未久聲名尤好臣向在同城且係屬員臣所
素知謹遵

旨保奏理合具摺奏

聞謹

奏

耿國祚係朕所知之人另訪一員保奏可也
再請題補一摺發該部議覆後酌定

雍正二年十一月初四日福州將軍臣宜兆熊謹

奏為戀

主情殷懇請

陞見事竊臣由世襲阿思哈尼哈番蒙

聖祖仁皇帝洪恩拔補參領歷陞都統毫無報稱又蒙我

皇上隆恩簡任福州將軍莅任二載仰賴

聖主福庇際遇昇平並未效犬馬微力且臣自

陞辭之日一覲

天顏依戀之私寢寐彌深況臣年近六十仰懇

皇上恩將旗缺調臣回京供職俾朝夕得以仰瞻

天顏縱報效無能而依戀心遂臣即老死亦可瞑目伏

乞

皇上憐臣螻蟻下悃

俞允所請臣不勝惶悚激切待

命之至謹

奏

為何忽動此念外省專閫之任關係甚重正資爾料理
勉為之俟朕簡得年力精壯勝任之人替爾回京諸事
如意毋得懈弛

雍正二年十一月二十四日福州將軍臣宜兆熊

謹

奏為恭謝

天恩事雍正二年十一月初十日撫臣進摺把總回閩

齋捧

御賜哈密瓜一箇到臣隨恭設香案望

闕叩頭謝

恩祇領訖伏念臣屢蒙

皇上恩賚茲又

特賜上方異品且復蒙

御批臣與杭州將軍安泰聲名並居上第又

命臣但有聽聞不必待訪的確卽密奏以聞勉之密之

欽此以臣一介武夫至愚極陋荷蒙

天語褒嘉下詢政治信任至於此極誠千古未有之曠

典也

臣膺茲

異數敢不激勵奮勉殫心悉慮知無不言仰答

聖恩高厚但臣智識短淺恐管見所窺未必有當大體

冒瀆

宸聰獲罪匪輕伏乞

皇上格外寬宥臣無任惶悚感激之至為此叩謝

天恩謹

奏

但只據實上達不必絲毫疑畏

同日又

奏為敬陳管見仰祈

睿鑒事欽惟我

皇上御極以來勵精圖治博採羣言每多下問竊臣愚見以為在京六部九卿科道諸臣外而督撫將軍提督各臣凡有事件准其密奏至於在京武職副

都統等在外總兵官等似不宜准其密奏恐言路繁雜不肖者反借此生事妄瀆

宸聰臣蒙

皇上信任殊恩謬陳管見不識可否伏乞

睿鑒施行謹

奏

爾慮言路繁雜朕意不妨聽言當以理察總在鑒別何如耳朕豈輕為之淆惑耶

同日又

奏為請

旨事竊查福州駐防四旗官兵月支米穀草束價值經

前撫臣許嗣興

題請加增白米每石一兩一錢五分粟米一兩零五

分穀五錢二分五釐草每束九釐五毫俱蒙

聖祖天恩准其折給後於康熙五十一年秋冬起至雍正

元年秋冬止歷經各撫臣

題請白米每石一兩粟米九錢穀四錢五分草每束

九釐亦蒙

聖恩俱准折給找支在案歷年

題請實係豐收之年的確價值倘遇歉收即有不足

仰懇

皇恩嗣後白米每石即照一兩粟米九錢穀四錢五分

草每束即照九釐按月准其開支俾甲兵得以採

買無不足之虞且可免搜季

題請補給之煩也理合具摺伏乞

恩准批示遵行謹

奏

此所奏是從前未經定價固當估報今俱已酌定中價矣何獨福州駐防令其多此一番題請該部議奏

雍正二年十二月十五日福州將軍臣宜兆熊謹

奏為敬陳管見仰祈

睿鑒事竊念福建廣東雲南三省皆係邊地自康熙十

九年平定之後福建廣東二省俱設立旗兵駐防
惟雲南未經設立以臣愚見均係邊地似應亦設
立旗兵以資彈壓其分撥甲兵或就近於浙江荆
州駐防內撥派滿洲甲兵各一千名設立將軍帶
領鎮守其浙江荊州兩處缺額或卽於撥派雲南
甲兵之弟男子姪內挑選精壯者留以預補則丁
壯均受

皇恩彼此益加感奮思圖報效於無既矣是否可行統

候

聖裁謹

奏

添設駐防原係保固疆圉之善政但本省之錢糧足供
支銷與否必須籌畫妥確始可議行也爾意已悉

同日又

奏為奏

聞事竊臣荷

聖主隆恩每念臣力薄

諭臣不必勉強捐造但臣家口不過四十餘人俸祿足供養贍且復叨

聖恩賞給隨丁糧一百名除每月公捐外尚有餘剩況

四海太平臣安享無事之福並無有費用之處臣

去年將旗營子母礮捐造一百零二位今現在鑄

成七十八位每旗每營各得三十位旗營子母礮

共一百八十位操演已足用矣福建邊海之地山

路險阻水洋遼濶防守地方礮火為上子母礮較
之鳥鎗更能致遠操練純熟誠足以壯軍威而收

實效臣蒙

聖主洪恩畀以封疆重任凡旗營事務皆分所應為惟
思殫竭臣力隨宜修整以稍盡犬馬報效之心理

合具摺奏

聞謹

奏

知道了足見汝急公念切非由勉強也

雍正三年四月二十六日福州將軍臣宜兆熊謹奏為

聖主隆繼述之孝至仁沛蠲賦之恩海嶠微臣欣祝無

疆事臣接聞邸抄內開奉

旨蘓州府額徵銀蠲免三十萬兩松江府額徵銀蠲免十五萬兩著為定例欽此欽惟我

皇上御極以來勵精圖治三年之內萬事畢舉尤

洞鑒閭閻疾苦除數百年之積弊蠲數十萬之賦稅臣
聞卽報欣喜無地伏念

聖祖仁皇帝臨御六十餘年深仁厚澤普施中外今我

皇上體仁為治蠲從古未蠲之正額恤前代未恤之農
民

恩覃四海

德沛八方臣欣此亘古未有之仁頃祝萬世無疆之慶

恭繕摺具

奏伏乞

睿鑒謹

奏

此皆

聖祖之遺惠朕推廣而行之耳何得歸美於朕耶

同日又

奏為奏

聞事竊臣奏請捐積穀石蒙

皇上洪恩特沛

溫綸臣跪讀之下不勝感激惟有捐修倉廩捐買乾潔

穀石嚴飭收管平出平入務期不致有累兵弁以

仰報

聖恩臣現在捐買穀石陸續貯倉併移督撫布政司三

臣知照以便每年稽查但穀石增捐數多出陳易

新收管盤查尤宜清楚必廉能之員專司其事庶

出入不致虧空令選得鑲白旗協領朱廷桂臣標

中軍副將梁鳳呈俱各操守清正勤慎小心堪以
委管理合一併奏

聞謹

奏

從來利之所在弊即隨之委用之人不得不加意斟酌

者也

雍正三年七月初一日福州將軍臣宜兆熊謹

奏為奏

聞事竊臣奏請捐貯穀石其銀出於隨丁糧內亦皆我

皇上賞賜之銀荷蒙

天恩特沛

溫綸賜臣議敘臣聞

命自天感激無地自問何修邀茲

曠典臣署內旁有大房一所前後共十三間照常豐倉
式樣修造於六月十二日告成正值新穀豐登之

候臣已將積餘銀兩照時價採買三千石俱如數

收倉併移知督撫布政司三臣存案嗣後每歲底
將貯倉穀石總數一併奏

聞仍移知督撫等以便稽查所有入倉積穀數目理合
具摺奏

聞謹

奏

知道了歲底奏聞只宜具摺移文存案亦不過知照而
已原係捐貯之穀非正項錢糧可比若作成官事將來

反為旗營增一累矣此舉與社倉同一軌轍也

雍正三年九月初八日福州將軍臣宜兆熊謹

奏為奏

聞事竊臣准督臣覺羅滿保咨開為欽奉

上諭事查貴都院遵

旨前赴廣西所有貴都院衙門印務已經本部院委員
齎送境上而新任撫都院尚未有到任之信本部
院卧病已久勢難痊愈現今廈門地方水師提督

甫經進京而八月二十五日即有兇盜欲行搶劫
之事本部院旦夕若有不測則省城止有將軍副
都統泉州止有陸路提督地方重大誠恐上厰
聖懷本部院日夜憂心已經將具咨請留貴都院緩行
起程倘本部院病勢不起將印務交送將軍宜兆
熊署理如有緊要事件貴都院在省協同商議料
理候

旨欽遵等因於九月初四日具摺

奏明仰惟貴都院公忠體國在閩在粵無非爲

皇上辦理公務當此地方有事亟需彈壓之時伏望以

國事為重暫緩起行庶於臣子分誼可盡為此合咨

貴都院請煩察照施行等因除咨明原任福建撫

都院黃國材外相應咨會為此合咨請煩查照施

行等因到臣准此卽於本日戌刻督臣身故據糧

驛道韓奕中軍副將徐左柱齎捧閩浙總督印信

王命旗牌

上諭併火牌文卷等項到臣臣竊思督臣現在身故撫

臣黃國材又經解任且有廈門姦匪一案封疆重

大臣不得不暫行署理惟是臣智識短淺恐致貽

誤伏乞

皇上天恩速簡賢能星馳赴任再解任撫臣黃國材經

督臣

奏請留閩緩行倘有緊要機宜臣會同商議料理合

併聲明謹

奏

覽奏朕深為惋惜滿保於病劇之際猶諱諱以地方為
念足見忠悃甚屬可嘉此時諒毛文銓已抵閩矣爾與
之協同心力料理諸務可也

雍正三年九月二十八日福州將軍署理閩浙總
督印務臣宜兆熊謹

奏為奏

聞事竊查閩省鹽政自雍正元年前督臣滿保撫臣黃

國材會同

奏請將鹽政各衙門并商人盡行裁革派委佐雜等官在場稽查收稅附近場竈貧民赴場每擔完課買鹽販賣或自用醸造似於沿海貧民甚是有益等因具

奏續奉部覆允准遵行在案此係奉

旨交與督撫之事臣從前不知其詳今臣接署督篆據文武員弁稟報裝運鹽觔發賣并收鹽完課各緣

由臣始知其畧隨加體訪輿情皆以為鹽政更新
以來多未妥協臣現在會同撫臣毛文銓逐一詳

查明白務期有裨於

國課民生可垂永久另行具

奏外合先奏

聞謹

奏

此事朕早洞悉其不妥於滿保未故之先已另有諭旨

矣

雍正三年十月二十四日福州將軍署理閩浙總督印務臣宜兆熊謹

奏為奏

聞事竊查廈門匪類郭興等一案其逃犯已據報拏獲現在飭審俟提解到省臣等親訊明確會題請旨外茲又據漳浦營縣各報稱九月二十日漳浦縣城

內有姦徒黃尾一名在伊家門首忽插榕樹青枝

為記時漳浦營功加官蔡隆馬兵黃進巡查地方
見其踪跡可疑將黃尾拏解該營守備轉報遊擊
李虎該遊擊一面向帶兵巡邏一面即委守備成偉
會同文員查訊據黃尾供有涂廷向彼聲言今晚
有匪類進城搶奪富戶你們門首插榕樹青枝卽
可免搶等語併供出夥犯游躍徐愷寧涂法涂蒲
程實昂仔等隨差兵役拏獲游躍游齊涂廷涂法
涂蒲程實等又續獲徐愷寧供出林昂為首於九

月二十日招伊至陳鎮家會集並供陳鎮家中現藏旗三面鼓二面鑼一面單刀兩把等語拏獲陳鎮搜出單刀等物又據供出夥犯林穆周招等十犯卽會集周招家中又據拏獲林昂一犯訊據供稱伊係行醫度活因林棍家中有廈門逃來流匪吳通陳四二名請伊醫治刀傷卽商量入夥實係林棍為首欲進漳浦縣城搶劫富戶林棍是箇監生旗布器械都在他家衆人在周招家等語又據

拏獲林棍及徐貌解漳浦縣收審等因到臣臣查

此案實因廈門匪類郭興等一案是以乘機煽惑
今細閱各供為首何人同夥若干尚未明晰現在
飛飭查審但此案雖係聚夥商謀搶劫實未上盜
似與廈門郭興等拒捕殺害官兵者不同臣等愚
見欲於審明之日將為首及藏械藏人者即於該
地方杖斃示衆抄沒其家其餘夥犯分別輕重枷
責禁錮是否可行伏乞

皇上指示遵行謹

奏

此等姦徒即獸中之豺鳥中之鴟也宜嚴加懲治以示警戒毋得毫髮姑息

雍正四年正月初三日福州將軍署理閩浙總督
印務臣宜兆熊謹

奏為請撫生番事竊臣據臺郡文武各官報稱南北兩路番社甚多其為害於鳳諸二縣者惟山猪毛

等社其為害於彰化縣者惟水沙連等社皆由從前不繩以

國法遂使益無顧忌山豬毛等社向日擒獲兇犯四人稍知畏懼至於水沙連從不一加懲創以致半年之內焚殺疊見撫之不可不得不脅以兵威為今之計當以番攻番令各社之通事土官擇其勇敢者數人為前導率領番壯直抵巢穴而使汎兵駐劄山口以壯聲勢取勝甚易但勦番惟賴冬日

夏秋之際雨水連綿鎗礮無用一交春二三月又難舉行今現在會商委員尅期舉行等因到臣卽會商撫臣毛文銓以臺灣各社生番屢行殺人頑梗無知似不便再行姑息即以社丁協同番壯深入擒捕汎兵不過駐劄山口示以兵威諒無他患批令臺屬文武同心協力仍會商巡臺御史務須籌畫萬全切勿輕舉妄動倘彼畏威懾服情願就撫者即宜相機亟為撫綏勿株累無辜以廣

皇上柔遠之深仁其發兵若干作何勦撫並動贏餘若干俟續報到日另行具

奏外合先奏

聞謹

奏

所奏勦撫情節已悉諒卿等自必慎重為之也

雍正四年二月初四日福州將軍署理閩浙總督

印務臣宜兆熊福建巡撫臣毛文銓謹

奏為奏

聞事據臺灣同知王佐梅詳報水師提督衙門有差員
陳福等管駕船隻來臺索驗其牌照俱稱係本提
督差往臺灣等處巡哨順帶馬料到廈查各牌照
雖有提憲印信可憑而船內舵水俱係不兵不民
之人其中是否假借莫從辨識未敢擅便放行等
情到臣等又據署彰化縣孫魯詳報貓霧拺社莊
有生番放火燒屋殺死佃丁林愷等八人一案并

稟查勘該地原屬禁界為土番鹿場今藍提督又
往開墾未免有礙林愷等之被殺明係自取等因
到臣等俱經臣等飭行布按二司嚴查去後續准
提臣藍廷珍各稱哨船原係捐備巡哨給與印牌
遴選勤慎之員管押哨探仍嚴飭毋許夾帶等與
又咨稱貓霧拺社莊係自置產業訣縣給有照票
代納餉銀各等因到臣等伏思自備哨船與
在禁地開墾均屬違例之事查提臣藍廷珍練達

水師海疆原有裨益但既有前項事由即不敢苟
徇情面不於

君父之前據實

奏明也伏乞

睿鑒謹

奏

此等事豈可徇隱自應查究其中微有干礙藍廷珍處
姑稍存地步密奏請旨可也

同日又

奏為奏

聞事竊前據臺灣屬文武官員會請勦撫生番業經臣等批飭施行并將緣由奏

聞在案茲於雍正四年正月二十三日據臺灣鎮道詳稱因巡臺御史臣禪濟布另欲計議尚未勦撫仍各請示前來臣等伏查臺地溝洫甚多一至春雨水漲之時卽難舉動所以凡勦撫之事非冬日不

可今為時已逾似不便仍執前議批令遵行俟今
冬再復相機行事所有未勦生番情節理合奏

聞謹

奏

知道了斯事自應相時而動不必拘泥也

雍正四年三月二十六日福州將軍署理閩浙總
督印務臣宜兆熊福建巡撫臣毛文銓謹

奏為據實奏

聞事竊查臺灣知縣周鍾瑄業經奉

旨解任是非曲直對簿自明巡臺御史臣禪濟布理宜

靜聽督臣高其倬到日確審實情請

旨遵行豈可別生枝節貽害海疆乃禪濟布不念巖疆

重地惟欲加甚鍾瑄之罪歷據各員稟報指使刁

民聚集數十餘人拆毀該縣糧書馬仁黃成等房

屋而臺灣全縣十五里人民並無一人在場現據

十五里人民具結通詳在案是前此聚衆者究不

識何等姦徒今幸拏獲李好等四名解省俟解到
日臣等即發臬司務秉公審理不得毫髮偏徇容
審出實情另行請

旨外所有疊據稟報前項緣由理合據實奏

聞謹

奏

周鍾瑄之是非曲直禪濟布固宜靜聽高其倬到日確
審爾等又豈不當遵旨靜待耶據爾等奏稱將李好等

卽發臬司審訊甚屬不合恐禪濟布將底裏指出爾等
真情亦難掩矣

毛文銓自益任以來一切摺奏及料理事件甚屬不妥

雍正四年四月初一日福州將軍署理閩浙總督

印務臣宜兆熊謹

奏為奏

聞事竊臣蒙

皇上天恩命臣署理閩浙總督印務自雍正三年九月

初七日起至雍正四年四月初一日止總督任內應得平耗馬快銀共三千五百六十三兩零據署布政司事興泉道閻範呈繳前來臣伏念仰荷聖恩署篆半年有餘雖日夕冰兢廉隅自矢而於地方民生毫無裨益且又蒙

皇上天恩賞賜俸祿併隨丁糧銀臣家口僅四十餘人儘足養贍何敢復取平耗馬快銀兩懇乞

聖恩准臣將此項銀兩交布政司或委員於產米地方

採買米石在省會平糶抑或買穀收貯存倉遇歉

收之年平糶伏乞

皇上批示遵行謹

奏

汝之廉潔非於今日始克表著也勉之覽奏朕甚嘉悅

雍正四年五月十四日福州將軍臣宜兆熊副都

統臣鄭繼寬謹

奏為奏

聞事五月初十日有興化府運米商船到省城南臺地

方隨有姦民相聚阻攔閩縣知縣于沛前赴南臺

諭令放行姦民等肆行喧嚷不遵以致南臺一帶

舖民驚惶罷市是晚城內生事之徒亦相率搶奪

鋪戶米糧臣等隨委標下副將梁鳳呈撫臣毛文

銓委標下遊擊劉定國率領弁兵擎獲搶米人犯

二名經撫臣重處至十一日已刻各姦民竟赴撫

臣衙門挨折柵欄進至轅門喧嚷以平糶倉米一

錢一分一斗價值太貴求令減價撫臣毛文銓差
役拿獲進轅門十七人卽行重責枷示原欲置之
死地以儆衆後因各門鄉保環跪哀求代為乞命
撫臣始行釋放現今地方百姓安靜俱各照常開
市貿易所有百姓罷市姦民搶奪米鋪併在撫臣
衙門喧嚷情形理合具摺奏

聞謹
奏

此等事卽如此草草完結殊為可笑爾等何怯懦至於此極耶其中必另有情由朕尚未暇詳察雖然刁風何可使之漸長大失朕期望爾等之意矣

雍正四年六月二十二日福州將軍臣宜兆熊謹

奏為叩謝

天恩事竊臣一介武夫至愚極蠹荷蒙

聖恩署理閩浙總督印務半載有餘寸長未效茲以撫

臣毛文銓會

奏臺灣縣知縣周鍾瑄案內一摺欽奉

御批臣跪讀之下惶悚無地自愧智識短淺愚昧實深

乃蒙

皇上天恩不加斥責格外矜恤批示到臣俾臣知所儆

省

聖恩高厚何以圖報臣惟有洗心滌慮悔過自新從此

謹慎小心凡事愈加警惕以報

主恩於無既所有微臣感激下悃理合具摺叩謝

天恩伏乞

皇上睿鑒謹

奏

向來私比之習朕所稔悉內外大臣當痛改此病夫存
心公則全慮誠誠則識見高明處事自得其理不必矯
廉沽譽人自無不悅服夫清廉豈非美德然有所為而
為者即是不誠何況徇好惡而議是非借舉劾以酬恩
怨豈有不顛倒錯亂貽誤政事之理且作德則心逸日

休作偽則心勞日拙卽就頤養身心之道而論公之一字亦得許多便宜但庸人識淺率為流俗漸染不能奮志自新耳朕每隨時遇事勗勵諸臣然能仰體朕心而行者僅見怡親王鄂爾泰二人卿等當以為儀型而效法之朕自有覺照也

雍正四年七月二十一日福州將軍臣宜兆熊謹奏為恭謝

天恩事雍正四年六月二十九日閩浙總督臣高其倬

舟抵閩省洪山橋地方臣與合城文武官員齊赴

跪請

聖安督臣高其倬向臣敬傳

聖旨爾到福建可傳旨與福州將軍宜兆熊福州旗下
兵丁風俗甚是不好自伊到任後比從前頗覺更易
此是伊盡心效力處朕實嘉之可令伊更加管教務
要全好方是欽此臣跪聆

聖訓隨望

閩叩頭謝

恩竊思福州旗下兵丁世受

皇上豢養深恩宜思犬馬報效臣莅任後宣布

皇仁嚴加告誡不時訓練技藝比前稍熟風俗亦較前

稍改茲蒙

聖明垂鑒傳

旨嘉勉令臣更加管教務要全好臣惟有仰遵

聖訓約束化道守俾積習盡除以上副

皇上教養兵丁之至意所有微臣感激下悃理合具摺

恭謝

天恩謹

奏

駐防官兵不但福建一省率因承平日久怠惰偷安營
伍一切流弊不可問矣必須蕩滌其舊染方可鼓舞以
更新卿等其體朕諄切至意勤加訓練務令大為改觀
庶不有負朕之委任朕亦斷不負卿等之勞勛也勉之

更勉

硃批諭旨卷四十四上



總校官庶吉士臣侍朝
校對官編修臣莫瞻菉
謄錄監生臣吳靖